

Эзгулик йўлида кексайиш саодатдир



14:40 / 14.10.2019 2827

Ҳар бир инсон ким бўлишидан қатъий назар, бир кун келиб кексаяди. Аммо кексайиш билан кексайишнинг орасида фарқ бор. Энг яхши кексайиш яхшилик билан яшаб, яхшилик қилиб юриб кексайишдир. Агар банда Ўзини йўқдан бор қилган Роббини таниб, У Зотнинг айтганини қилиб яшаб кексайса, унинг кексалиги энг яхши, энг чиройли кексалик бўлади. Унинг кексалиги бахтга ва саодатга олиб борадиган кексалик бўлади.

Қуйидаги сатрларда шарҳ қилинадиган ҳадиси шарифларда худди мана шу ҳақиқат борасида сўз кетади.

«نَمَّ» لَاقِ سَانَ لِرِيخٍ نَمَّ، هَلَلِ لَوْسَرَ أَيِ لَاقِ أَيِ بَارِعًا نَأْ؛ رُسُوبِ نَبِّ هَلَلِ لِدَبَعٍ نَعٍ
يَذُمَّرَّتْ لِهَآوَرِ. «هُلَمَّعَ نُسَحَّو، هُرْمُعَ لَاطِ»

Абдуллоҳ ибн Бусрдан ривоят қилинади:

«Бир аъробий: «Эй Аллоҳнинг Расули, одамларнинг яхшиси ким?» деди.

«Умри узун, амали гўзал бўлган одам», дедилар».

Термизий ривоят қилган.

Қисқа ва жуда ҳам маъноли савол:

«Одамларнинг яхшиси ким?»

Дунёдаги барча одамларнинг яхшиси ким? Уларнинг ичида яхшилари кўп бўлиши мумкин. Аммо яхшиларнинг яхшиси ким. Набий солаллоҳу алайҳи васаллам ушбу қисқа ва балоғатли саволга жуда ҳам қисқа ва жуда ҳам балоғатли жавоб бердилар.

«Умри узун ва амали гўзал бўлган одам».

Демак, узоқ умр кўриш одамларнинг яхшиси бўлиш учун омил бўлар экан. Ўша узоқ умр эгаси одамларнинг яхшиси бўлиши учун қўйиладиган шарт – амали гўзал бўлиши экан. Амалнинг гўзал бўлиши эса Аллоҳ таолонинг динида бўлиш ва унга амал қилиш билан юзага чиқади.

Аллоҳ таоло барчамизга умри узун ва амали гўзал бандаларидан бўлишни насиб этсин!

عَبْدُ شَيْبَةَ بْنِ أَبِي حَبِيبٍ رَوَى عَنْ عَبْدِ اللَّهِ بْنِ مَسْعُودٍ قَالَ سَأَلْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ عَنْ أَحْسَنِ عَمَلٍ قَالَ «أَنْ تَعْبُدَ اللَّهَ تَعَالَى وَتَعْبُدَ النَّاسَ وَتَعْبُدَ نَفْسَكَ».

Фазола ибн Убайддан ривоят қилинади:

«Набий солаллоҳу алайҳи васаллам дедилар:

«Кимнинг бир толаси Аллоҳ йўлида оқарса, бу унинг учун қиёмат куни нур бўлади».

Аҳмад, Термизий ва Насоий ривоят қилишган.

Ҳар бир инсон учун бир тола сочининг Аллоҳ йўлида оқариши буюк бахт, улкан саодатдир. Чунки ўша соч Аллоҳ йўлида, Исломда оқаргандир. Бундай инсоннинг соч-соқоли Аллоҳ таолонинг йўлида юриб, ибодатда бўлиб, борлиқдаги барча мавжудотга – инсонлар оламига, ҳайвонлар оламига, набототу жамодот оламига яхшилик қилиб оқаргандир. Шунинг учун ҳам Исломда оқарган ҳар бир тола қиёмат куни эгасига нур бўлиб келади.

نَمْ لِّوَأُو، بِرَّاشِلْ صَقْ نَمْ لِّوَأُو، فَاضْأْ نَمْ لِّوَأُو، نَتَتْخَلِ نَمْ لِّوَأُو، مِيَهْ أَرْبِ! دِي عَسَلِ اق
أَرِاقُو وَيَنْدِي بَرِ أَي: لِقِاقُ، رِاقُو، لِقِاقُ، أَدَهْ أَمَّ بَرِ أَي: لِقِاقُ، فَبِاشْ نَمْ لِّوَأُو، رُفْظَلْ صَقْ
بَدَّالِ أَي فَي رِاقُ بَلْ هَاوَرِ

«Саъид айтди: «Иброҳим биринча хатна қилинган, биринчи зиёфат берган, биринчи тирноқ олган ва биринчи толаси оқарган зотдир. Ўшанда у: «Эй Роббим, бу недир?» деди. «Виқордир», деди. «Эй Роббим, виқоримни зиёда қил!» деди».

Бухорий «Адабул муфрад»да ривоят қилган.

Виқор ўзини билган ҳар бир банда учун буюк мақомдир. Бу мақомга эришишнинг йўлларида бири эзгулик йўлида яшаб қариш ва сочсоқолнинг Исломда оқаришига эришишдир. Бу йўлда оқарган ҳар бир тола эгасининг виқорини зиёда қилади.

Аллоҳим, барчамизга виқоримиз зиёда бўлишини насиб қилгин!

هِيَ لَعْلَلِ لِي صَدِّ لَعْلَلِ لُؤْسَرِ لِقِاقُ: لِقِاقُ، دَجُّ، نَعْيُ، هِيَ بَأْنَعْيُ، بِيْغُ شَرِّ نَبْ وَرْمَعَنْ عَمَلِ سِلْ أَي فَيَّ شَبَّاشْ نَمْ لِّوَأُو، مَلْسُ مَلْ أَرْوُنْ هَنْ إِفْ، بِيْشِلْ أَوْفَتْ نَتِ أَلْ: مَلْسُو
دَمْحُ هَاوَرِ. «عَجَرَدِ أَوْبُ عَعَفَرَو، عَيْطِ طَخِ أَوْبُ هُنَّ عَرَفَكَ وَ، نَسَحِ أَوْبُ هَلْ لَعْلَلِ بَتَكَ

Амр ибн Шуъайбдан, у отасидан, у бобосидан ривоят қилади:

«Расулulloҳ соллalloҳу алайҳи васаллам дедилар:

«Оқарган толани юлманглар, чунки у муслмоннинг нуридир. Кимнинг бир толани Исломда оқарса, Аллоҳ унга ўша тола учун бир яхшилик ёзади, бир ёмонликни ўчиради ва ўша ила унинг даражасини кўтаради».

Аҳмад ривоят қилган.

Юқорида зикр қилинган бир толанинг Исломда оқариши учун бериладиган мақомларга зиёда равишда бу ҳадиси шарифда яна учта буюк мақом зикр қилинмоқда. Аллоҳ унга ўша тола учун:

1. Бир яхшилик ёзади.
2. Бир ёмонликни ўчиради.
3. Бир даражасини кўтаради.

Ушбу уч нарсанинг ҳар бири ўзини билган мўмин банда учун катта мақомдир. Зотан, мўмин банданинг кўзлаган энг юқори мақомлари кўпроқ

яхшилик жамлаш, ёмонликларнинг ўчирилишига эришиш ва даражасининг олий бўлишига уринишдан иборатдир. Ҳар бир толанинг оқариши айна ўша мақомларга сабаб бўлиши жуда ҳам улуғ ишдир.

«Кексаларни эъзозлаш» китобидан